

Održan sastanak sa predstavnicima Opštinskog suda u Sarajevu

07.10.2025 20:52



Dana 07.10.2025. godine održan je radni sastanak između predstavnika Federalne uprave za geodetske i imovinsko-pravne poslove i predsjednika Opštinskog suda u Sarajevu, gospodina Damira Batotića, sa njegovim saradnicima. Tema sastanka bila je nastavak saradnje u okviru Projekta unapređenja geoprostorne infrastrukture i procjene vrijednosti (eng. *Geospatial Infrastructure and Valuation Enhancement – GIVE*), koji ima za cilj unapređenje tačnosti i dostupnosti informacija o zemljišnoj administraciji u Federaciji Bosne i Hercegovine.

Sastanak je otvorio gospodin Damir Batotić, a neke od ključnih tema razgovora bile su trenutno stanje podataka o nekretninama, usklađenost zemljišnoknjžnih i katastarskih podataka, te identifikacija općina

koje će biti u fokusu rada u narednom periodu.

Direktor Federalne uprave za geodetske i imovinsko-pravne poslove, gospodin Željko Obradović, osvrnuo se na dosadašnje rezultate ostvarene kroz Projekat registracije nekretnina, uključujući i dodatno finansiranje te naglasio da kvalitetni podaci predstavljaju temelj za uspješno usklađivanje zemljišnoknjižnih i katastarskih evidencija, i naveo da trenutni stepen usklađenosti iznosi oko 62%.

Tokom razgovora razmijenjena su mišljenja o prioritetnim opštinama na području Kantona Sarajevo, u kojima će se u narednom periodu provoditi usklađivanje podataka između zemljišnih knjiga i katastra. Takoder je istaknuta višestruka korist i značajne uštede koje ovakvi projekti mogu donijeti Bosni i Hercegovini. Na kraju sastanka je zaključeno da je potrebno nastaviti dosadašnju uspješnu saradnju, uz preporuku da se slični sastanci u budućnosti organizuju na višem institucionalnom nivou, radi efikasnije koordinacije i ostvarivanja zajedničkih ciljeva.